


唐詩類苑



唐詩類苑第三十八卷

仁和卓明卿澂父編輯

華亭張之象玄超

長洲毛文蔚豹孫同校

樂部

樂

裴延隔壁聞奏妓一首

徒聞絃管切不見舞腰回賴有歌梁共塵飛一半來

賈至勤政樓觀樂一首

銀河帝女下三清紫禁笙歌出九城爲報延州來聽

唐詩卷之二十一 樂部
樂須知天下欲昇平

太宗二層閣上置音聲一首

綺筵移暮景紫閣引宵煙隔棟歌塵合分階舞影連
聲流三處管響札一重絃不似秦樓上吹簫空學仙
歌

李嶠詠歌一首

漢帝臨汾水周仙去洛濱郢中吹白雪梁上繞飛塵
響發行雲駐聲隨子夜新願君聽扣角當自識賢臣
李白秋浦清溪雪夜對酒客有唱鷓鴣者一
首

披君貂襜褕對君白玉壺雪花酒上滅頓覺夜寒無
客有桂陽至能吟山鷓鴣清風動窻竹越鳥起相呼
持此足爲樂何煩笙與竽

杜甫聽楊氏歌一首

佳人絕代歌獨立發皓齒滿堂慄不樂響下青虛裏
江城帶素月况乃清夜起老夫悲暮年壯士泪如水
玉杯久寂寞金管迷宮徵勿云聽者疲愚智心盡死
古來傑出土豈待一知己吾聞昔秦青傾側天下耳

李頎送康洽入京進樂府歌一首

識子十年何不遇只愛歡遊兩京路朝吟左氏嬌女

唐詩卷之二十一
篇夜誦相如美人賦長安春物舊相宜小苑蒲萄花
滿枝柳色偏濃九華殿鶯聲醉殺五陵兒曳裾此夜
從何所中貴由來盡相許白袂春衫僊吏贈烏皮隱
几臺卽與新詩樂府唱堪愁御妓應傳鳩鵲樓西上
雖因長公至終須一見曲陽侯

岑參醉後戲與趙歌兒一首

秦州歌兒歌調苦偏能立唱漢陽女座中醉客不得
意聞之一聲淚如雨向使逢着漢帝憐董賢氣咽不
能語

李白夜泊黃山聞殷十四吳吟一首

昨夜誰爲吳會吟風生萬壑振空林龍驚不敢水中
卧猿嘯時聞岩下音我宿黃山碧溪月聽之却罷松
間琴朝來果是滄州逸酤酒提盤飯霜栗半酣更發
江海聲客愁頓向杯中失

崔國輔子夜冬歌一首

寂寥抱衾心裁羅又褰七夜久頻挑灯霜寒剪刀冷
薛耀子夜冬歌一首

朔風扣群木嚴霜凋百草借問月中人安得長不老
郭元振子夜春歌二首

青樓含日光綠池起風色贈子同心花殷勤此何極

又

陌頭楊柳色已被春風吹妾心正斷絕君懷那得知

郭元振子夜秋歌二首

邀懽空佇立望美頻迴顧何時復採菱江中密相遇

又

辟惡茱萸囊延年菊花酒與子結綢繆丹心此何有

郭元振子夜冬歌二首

北極巖氣昇南至溫風謝調絲競短歌拂枕憐長夜

又

帷橫雉翡翠被卷兩鴛鴦婉態不自得宛轉君王牀

吳聲子夜歌一首

半掃黃金堦飛霜皓如雪下簾彈箜篌不忍見秋月

李白子夜吳歌四首

秦地羅敷女採桑綠水邊素手青條上紅粧白日鮮

蚕飢妾欲去五馬莫留連

鏡湖三百里菡萏發荷花五月西施採人看隘若耶

回舟不待月歸去越王家

長安一片月萬戶搗衣聲秋風吹不盡總是玉關情

何日平胡虜良人罷遠征

明朝驛使發一夜絮征袍素手抽針冷那堪把剪刀

唐詩卷之三十六
裁縫寄遠道幾日到臨洮

水調歌第一

平沙落日大荒西隴上明星高復低孤山幾處看烽
火壯士連營候鼓聲

二

猛將關西意氣多能騎駿馬弄琯戈金鞍寶鉸精神
出笛倚新翻水調歌

三

王孫別上綠珠輪不羨名公樂此身戶外碧潭春洗
馬樓前紅燭夜迎人

四

隴頭一段氣長秋舉目蕭條總是愁
祗爲征人多下淚身七添作斷腸流

五

隻帶仍分影同心巧結香不應須換彩意欲媚濃粧

入破第一

細草河邊一馬飛黃龍閑裡掛戎衣爲受明王恩寵
甚從事經年不復歸

二

錦城絲管日紛七半入江風半入雲此曲祗慙天上

唐詩類苑 卷之五十八 樂部
有人間能得幾回開

三

昨夜遙歡出建章
今朝綴賞度昭陽
傳聲莫閉黃金
屋爲報先開白玉堂

四

日晚笳聲咽戍樓
隴雲漫上水東流
行人萬里向西
去滿目關山空恨愁

五

千年一遇聖明朝
願對君王舞細腰
乍可當熊任生
死誰能伴鳳上雲霄

六

閨蠟無人影
羅屏有夢魂
近來音耗絕
終日望君門

王昌齡聽流人水調子一首

孤舟微月對風林
分付鳴箏與客心
嶺色千重萬重
雨斷絃收與淚痕深

李白聞謝楊兒吟猛虎詞因有此贈一首

同洲隔秋浦
聞吟猛虎詞
晨朝來借問
知是謝楊兒

高適聽張立本女吟一首

危冠廣袖楚宮粧
獨步閒庭逐夜涼
自把玉簪敲砌
竹清歌一曲月如霜

舞

楊師道詠舞一首

二八如回雪三春類早花分行向燭轉一種逐風斜

蕭德言詠舞一首

低身鏘玉佩舉袖拂羅衣對簷疑燕起映雪似花飛

李嶠詠舞一首

妙伎遊金谷佳人滿石城霞衣席上轉花袖雪前明

儀鳳諧清曲迴鸞應雅聲非君一顧重誰賞素腰輕

岑參田使君美人如蓮花北鋌歌一首

美人舞如蓮花旋世人有眼應未見高臺蒲地紅氍

毬試舞一曲天下無此曲胡人傳入漢諸客見之驚

且嘆慢臉嬌娥纖復穠輕羅金縷花葱籠回裾轉袖

共飛雪左鋌右鋌生旋風琵琶橫笛和未匝花閉山

頭黃雲合忽作出塞入塞聲白草胡沙寒颭七翻身

入破如有神前見後見回七新始知諸曲不可比採

蓮落梅徒聒耳世人學舞抵是舞姿態豈能得如此

杜甫觀公孫大娘弟子舞劍器行一首 并序

大曆二年十月十九日夔府別駕元持宅見臨

穎李十二娘舞劍器壯其蔚跂問其所師曰余

公孫大娘弟子也開元三載余尚童稚記於郾

城觀公孫大娘劔器渾脫瀏離頓挫獨出冠時
自高頭宜春梨園二伎坊內人泊外供奉曉是
舞者聖文神武皇帝初公孫一人而已玉兔錦
衣况余白首今茲弟子亦匪盛顏既辨其由來
知波瀾莫二撫事慷慨聊為劔器行往者吳人
張旭善草書七帖數嘗於鄴縣見公孫大娘舞
西河劔器自此草書長進豪蕩感激郎公孫可
知矣

昔有佳人公孫氏一舞劔器動四方觀者如山色沮
喪天地為之久低昂燿如羿射九日落矯如羣帝驂

龍翔來如雷霆收震怒罷如江海凝清光絳唇珠袖
兩寂寞晚有弟子傳芬芳臨穎美人在白帝妙舞此
曲神揚七與予問荅既有以感時撫事增惋傷先帝
侍女八千人公孫劔器初第一五十年間似反掌風
塵頃洞昏王室梨園弟子散如煙女樂餘姿映寒日
金粟堆南木已拱瞿塘石城草蕭瑟玳筵急管曲復
終樂極哀來月東出老夫不知其所往足繭荒山轉
愁疾

李白高句驪一首

金花折風帽白馬小遲回翻七舞廣袖似鳥海東來

杜甫即事一首

百寶裝腰帶真珠絡臂鞵笑時花近眼舞罷錦纏頭

李白口號吳王舞人半醉一首

風動荷花水殿香姑蘇臺上宴吳王西施醉舞嬌無

力笑倚東牕白玉床

琴

楊師道咏琴一首

久擅龍門質孤竦嶧陽名齊娥初發弄趙女正調聲

嘉客忽遽反繁絃曲未成

劉允濟咏琴一首

昔在龍門側誰想鳳鳴時雕琢今為噐宮商不自持

巴人緩踈節楚客弄繁絲欲作高張引翻成下調悲

李嶠咏琴一首

隱士竹林隈英聲寶匣開風前綠綺弄月下白雲來

淮海多為室梁氓舊作臺子期如可聽山水響餘哀

王昌齡咏琴一首

孤桐秘虛鳴朴素傳幽貞髮髯絃指外遂見初古人

意遠風雪苦時來江上春高宴未終曲誰能辨經綸

楊師道彈琴一首

北林鵲夜飛南軒月初進調弦發清微蕩心祛褊悒

變化離鴻聲還入思歸引長歎未終極秋風颯素鬢
劉希夷夏夜彈琴一首

碧山夜岑寂素絲何清幽彈為風入松崖谷颯已秋
嗚呼鍾子期零落歸山丘死兮若有知竟兮從我遊

張說送尹補闕元凱琴歌一首

鳳哉鳳哉啄琅玕飲瑤池栖崑崙之山哉中國有聖
人感氣飛來自歌自舞先王冊府騏驎之臺羈雌衆
雛故山曲其鳴喈喈其鳴喈喈欲徂御之歛去來去
別鸞鳳心徘徊明年阿閣梧桐花葉開群飛鳳歸來
群飛鳳歸來

常建江上琴興一首

江上調玉琴一弦清一心冷七七弦遍萬木澄幽陰
能使江月白又令江水深始知梧桐枝可以微黃金

李白月夜聽盧子順彈琴一首

閒夜坐明月幽人彈素琴忽聞悲風調宛若寒松吟
白雪亂纖手綠水清虛心鍾期久已歿世上無知音

李白謝裴侍御晉岫師彈琴見寄一首

君同鮑明遠邀彼休上人鼓琴亂白雪秋變江上春
瑤草綠未衰攀翻寄情親相思兩不見流淚空盈巾

司馬逸客雅琴篇一首

唐詩類苑 卷之二十八 樂部

亭上嶧陽樹落七千萬尋獨抱出雲節孤生不作林
影搖綠波水彩絢丹霞岑直榦思有託雅志期所任
匠者果留盼雕斲爲雅琴文以楚山玉錯以昆吾金
虬鳳吐奇狀商徵含清音清音雅調感君子一撫一
弄懷知已不見鍾期百年餘還憶朝七幾千里馬卿
臺上應蕪沒阮籍帷前空已矣山情水意君不知拂
匣調絃爲誰理調絃拂匣倍含情況復空山秋月明
隴水悲風已嗚咽離鷗別鶴更淒清將軍塞外多奇
操中散林間有正聲正聲諧風雅欲竟此曲誰知者
自言幽隱乏先容不道人物知音寡誰能一奏和天

地誰能再撫歡朝野朝野懽娛樂未央車馬駢闐盛
彩章歲七汾川事簫鼓朝七伊水聽笙簧窈窕樓臺
臨上路妖饒歌舞出平陽彈絃本自稱仁祖吹管由
來許季長猶伶雅歌淡無味綠水白雲誰相貴還將
逸調賞幽心不覺繁聲論遠意傳聞帝樂奏鈞天倘
冀微身備五絃願持東武宮商韻長奏南薰億萬年

王績山夜調琴一首

促軫朧明月抽絃對白雲從來山水韻不使俗人聞
常建聽琴秋夜贈寇尊師一首

琴當秋夜聽况是洞中人一指七應法一聲七爽神

寒蟲臨砌急清吹
熨灯頻何必鍾期耳
高閒自可親
李白聽蜀僧濬彈琴一首

蜀僧抱綠綺西下峨眉峯
爲我一揮手如聽萬壑松
客心洗流水餘響入霜鍾
不覺碧山暮秋雲暗幾重
孟浩然聽鄭五惜琴一首

阮籍推名飲清風坐竹林
半酣下衫袖拂拭龍唇琴
一杯彈一曲不覺夕陽沉
余意在山水聞之諧夙心

岑參秋夜聽羅山人彈三峽流泉一首

皤岷山老抱琴鬢蒼然
衫袖拂玉徽爲彈三峽泉
此曲彈未半高堂如空山
石林何颼颼忽在窓戶間

繞指弄嗚咽青絲激潺湲
演漾怨楚雲虛徐韻秋烟
疑兼陽臺雨似雜巫山猿
幽引鬼神聽淨令耳目便
楚客腸欲斷湘妃淚班班
誰裁青桐枝絙以朱絲絃
能含古人曲迺與今人傳
知音難再逢惜君方老年
曲終月已落惆悵東窗眠

李季蘭賦得三峽流泉歌一首

妾家本住巫山雲巫山流泉常自聞
玉琴奏出轉寥夔直似當時夢裏聽
三峽迢迢幾千里一時流入幽
閨裏巨石崩宮指下生飛泉走浪絃中起
初疑憤怒含雷風又似嗚咽流不通
回湍曲瀨勢將盡時復滴

唐詩類苑 卷之三十六 十一
歷平沙中憶昔阮公爲此曲能令仲容聽不足一彈
既罷還一彈願似流泉鎮相續

李白幽澗泉一首

拂彼白石彈吾素琴幽澗愀兮流泉深善手明微高
張清心寂歷似千古松颺颺兮萬尋中見愁猿弔影
而危處兮叫秋木而長吟客有哀時失志而聽者淚
淋浪以沾襟乃緝商綴羽潺湲成音吾但寫聲發情
於妙指如不知此曲之古今幽澗泉鳴深林

王昌齡听彈風入松闕贈楊府君一首

商風入我絃夜竹深有露絃悲與林寂清景不可度

寥落幽居心颺颺青松樹松風吹草白溪水寒日暮
聲意去復還九變待一頓空山多雨雪獨立君始悟

沈佺期霹靂引一首

歲七月火伏而金生客有鼓琴於門者奏霹靂之商
聲如戛羽以騁晝終扣宮而砰駘電耀七兮龍躍雷
闐七兮雨冥氣鳴唵以會雅態歛翁以橫生有如驅
千旗制五兵截荒虺斲長鯨孰與廣陵比意別鶴儔
精而俾我雄千鬼動毅夫髮立懷恩不淺武義隻輯
視胡若芥剪羯如拾豈徒慨慷中筵備群娛之翕習
哉

箏

李嶠咏箏一首

蒙恬芳軌設游楚妙彈開新曲帳中發清音指下來
鈿裝模六律柱列配三才莫聽孤秦奏箏上有刺哀

岑參秦箏歌送外生蕭正歸京一首

汝不聞秦箏聲最苦五色纏絃十三柱怨調慢聲如
欲語一曲未終日移午紅亭水木不知暑忽彈黃鍾
和白紵清風颯來雲不去聞之酒醒淚如雨汝歸秦
兮彈秦聲秦聲悲兮聊送汝

常建高樓夜彈箏一首

高樓百餘尺直上江水平明月照人苦聞簾彈玉箏
山高猿狖急天靜鴻鴈鳴曲度猶未終東風霞半生

王諷夜坐看搗箏一首

調箏夜坐灯光裏却挂羅幃露織指朱絃一七聲不
同玉柱連七影相似不知何處學新聲曲七彈來未
觀名應是石谷裏流傳未滿洛陽城

王灣觀插箏一首

虛室有秦箏七新月復明絃多弄委曲柱促語分明
曉怨凝繁手春嬌入慢聲近來唯此樂傳得美人情

張九齡聽箏一首

端居正無緒那復發秦箏織指傳新意繁絃起怨情
悠揚思欲絕掩抑態還生豈是聲能感人心自不平

瑟

李嶠詠瑟一首

伏羲初製法素女昔傳名流水嘉魚躍叢臺舞鳳驚
嘉賓飲未極君子娛俱并倘入丘之戶應知由也情

琵琶

李嶠咏琵琶一首

朱絲聞岱谷鏘質本多端半月分絃出叢花拂面安
將軍曾制曲司馬屢陪觀本是胡中樂希君馬上彈

陳叔達聽隣人琵琶一首

本自龍門桐因妍入漢宮香出羅袖裏聲逐朱絃中
離有相思韻翻將入塞同關山臨却月花蕊散迴風
爲將金谷引添令曲未終

太宗琵琶一首

半月無雙影全花有四時摧藏千里態掩抑幾重悲
促節縈紅袖清音浦翠帷駛彈風響急緩曲釧聲遲
空餘閔隴恨因此代相思

篴

李白篴篴謠一首

攀天莫登龍走山莫騎虎貴賤結交心不移惟有嚴
陵及光武周公稱大聖管蔡寧相容漢誼一斗粟不
與淮南春兄弟尚路人吾心安所從他人方寸間山
海幾千重輕言託朋友對面九疑峯開花必早落桃
李不如松管鮑久已死何人繼其蹤

王昌齡箜篌引一首

盧溪郡南夜泊舟夜聞兩岸羌戎謳其時月黑猿啾
啾微雨沾衣令人愁有一遷客登高樓不言不寐彈
箜篌彈作蘇門葉葉秋風沙颯颯青塚頭將軍鉄驄
汗血流深入匈奴戰未休黃旗一點兵馬收亂殺胡

人積如丘瘡病驅來役邊州仍披漠北羔羊裘顏色
飢枯掩面羞眼眶淚滴深兩眸還思本鄉食鼈牛欲
語不得指咽喉或有強壯能咿憂意說被他邊將讎
五世屬藩漢主留碧毛氈障河曲遊橐駝五萬部落
稠勅賜飛鳳金兜鍪爲君不戰如過籌靜掃陰山無
鳥投家藏鉄券持承優黃金百斤不稱求九族分離
作楚囚深溪寂寞絃苦幽草木悲感聲颼颼僕本東
山爲國憂明光殿前論九疇麓讀兵書盡冥搜爲君
掌上施權謀洞曉山川無與儔紫宸詔發遠懷柔搖
筆飛霜如奪鉤鬼神不得知其由憐愛蒼生比蚍蜉

朔河屯兵須漸抽盡遣降來拜御溝便令海內休戈
予何用班超定遠侯史臣書之得已不

鍾

李嶠咏鍾一首

既接南隣磬還隨北里笙平陵通曙響長樂警宵聲
秋至含霜動春歸應律鳴欲知常待扣金篴有餘清

張說山夜聽鍾一首

夜卧聞夜鍾夜靜山更響霜風吹寒月窸窣虛中上
前聲既春容後聲復晷盪聽之如可見尋之定無像
信知本際空徒掛生滅想

鼓

李嶠咏鼓一首

舜日諧鼗響堯年韻土聲向樓疑吹擊震谷似雷驚
仙鶴排門起靈囂帶水鳴樂云行已奏禮日冀相成
笙

楊師道咏笙一首

短長插鳳翼洪細摹鸞音能令楚妃歎復使荆王吟
切七狐竹管來應雲和琴

李嶠詠笙一首

懸匏曲沃上孤篠汶陽隈形寫歌鸞翼聲隨舞鳳哀

唐詩卷之二十一 卷之三十一 樂部 十七 崑山齋
歡娛分北里純孝卽南陔今日虞音奏踏七鳥獸來

劉希夷嵩嶽聞笙一首

月出嵩山東月明山益空山人愛清景散髮卧秋風
風止夜河清獨夜草虫鳴仙人不可見乘月近吹笙
絳脣吸炁氣玉指調真聲真聲是何曲三山鸞鶴情
昔年落塵俗願言聞此曲今來卧嵩岑何幸承幽音
神仙樂吾事笙歌銘夙心

李白鳳笙篇一首

仙人十五愛吹笙學得崑山彩鳳鳴始聞煉氣食金
液復道朝天赴上京玉京迢七幾千里鳳笙去七無

窮已欲歎離聲發律唇更嗟別調流纖指此時惜別
詎堪聞此地相看未忍分重吟真曲和清吹却奏仙
歌響綠雲綠雲紫氣向函關訪道因尋緱氏山莫學
吹笙王子晉一遇浮丘斷不還

沈佺期鳳笙曲一首

憶昔王子晉鳳笙遊雲空揮手弄白日安能恋青宮
豈無嬋娟子結念羅帷中怜壽不貴色身世兩無窮

簫

李嶠咏簫一首

虞舜調清管王褒赴雅音參差橫鳳翼搜索動人心

沈佺期鳳簫曲一首

八月涼風動高閣千金麗人捲綃幕已憐池上歌芳
菲不念君恩坐搖落世上榮華如轉蓬朝隨阡陌暮
雲中飛燕侍寢朝陽殿班姬飲恨長信宮長信宮昭
陽殿春未歌舞妾自知秋至榮華君不見昔時羸女
厭世氛學吹鳳簫乘彩雲含情轉眄向簫史千載紅
顏持贈君

笛

劉孝孫咏笛一首

涼秋夜鳴笛流風韻九成調高時慷慨曲變或淒清

征客懷離緒鄰人思舊情幸以知音顧千載有奇聲

李嶠咏笛一首

羌笛寫餘聲長吟入夜清關山孤月下來向隴頭鳴
逐吹梅花落含春柳色驚行觀向子賦坐憶舊憐情

王昌齡江中聞笛一首

橫番怨江月扁舟何處尋聲長楚山外曲曉胡關深
相去萬餘里遙傳此夜心寥上浦淑寒響盡唯幽林
不知誰家子復奏邯鄲音水客皆擁棹空霜遂盈襟
羸馬望北走遷人悲越吟何當邊草白旌節隴城陰

李金陵聽韓侍御吹笛一首

韓公吹玉笛，倜儻流英音。風吹繞鍾山，萬壑皆龍吟。
王子停鳳管，師相掩瑤琴。餘韻渡江去，天涯安可尋。

李白清溪半夜聞笛一首

羨留海花引，吳溪隴水清。寒山秋浦月，腸斷玉關聲。

岑參秋夜聞笛一首

天門街西聞搗帛，一夜愁殺相南客。長安城中百萬家，不知何人夜吹笛。

李白與史郎中飲聽黃鶴樓上吹笛一首

一為遷客去，長沙西望長安。不見家黃鶴樓中吹玉笛，江城五月落梅花。

李白春夜洛陽聞笛一首

誰家玉笛暗飛聲，散入春風滿洛城。此夜曲中聞折柳，何人不起故園情。

高適和王七度玉門關上吹笛一首

胡人吹笛戍樓間，樓上蕭條海月閑。借問落梅凡幾曲，從風一夜滿關山。

高適塞上聽吹笛一首

雪淨胡天牧馬還，月明羌笛戍樓間。借問梅花何處落，風吹一夜滿關山。

李白觀胡人吹笛一首

唐人吹玉笛一半是秦聲十月吳山曉梅花落敬亭
愁聞出塞曲淚滿逐臣纓却望長安道空懷恋主情

杜甫秋笛一首

清商欲盡奏七苦血沾衣他日傷心極征人白骨歸
相逢恐恨過故作發聲微不見秋雲動悲風稍七飛

丁仙芝剡溪館聞笛一首

夜久聞羌笛寥七虛客堂山空聲不散溪靜曲宜長
草木生邊氣城池泛夕涼虛然異風出髣髴宿平陽

張巡聞笛一首

岩嶢試一臨虜騎附城陰不辨風塵色安知天地心

門開邊月近戰苦陣雲深旦夕更樓上遙聞橫笛音

杜甫吹笛一首

吹笛秋山風月清誰家巧作斷腸聲風飄律呂相和
切月傍關山幾處明胡騎中宵堪北走武陵一曲想
南征故齒楊柳今搖落安得愁巾却盡生

胡笳

李頎聽董大彈胡笳聲兼竒語弄房給事一
首

蔡女昔造胡笳聲一彈一十有八拍胡人落淚沾邊
草漢使斷腸對歸客古戍蒼七烽火寒大荒陰沉飛

唐詩卷之二十八 樂部 十一
雪白先拂商絃後角羽四郊秋葉驚撼七董夫子通
神明深松竊聽來妖精言遲更速皆應手將往復旋
如有情空山百鳥散還合萬里浮雲陰且明嘶酸雛
鴈失群夜斷絕胡兒恋母聲川爲淨其波鳥亦罷其
鳴烏珠部落家鄉遠邏娑沙塵哀怨生幽音變調忽
飄洒長風吹林雨墮瓦迸泉颭七飛木末野鹿啣七
走堂下長安城連東掖垣鳳凰池對青瑣門高才脫
畧名與利日夕望君抱琴至

岑參胡笳歌送顏真卿使赴河隴一首

君不聞胡笳聲最悲紫髯綠眼胡人吹七之一曲猶

未了恐殺樓蘭征戍兒涼秋八月蕭關道北風吹斷
天山草崑崙山南月欲斜胡人向月吹胡笳胡笳怨
號將送君秦山遙望隴山雲邊城夜七多愁夢向月
胡笳誰喜聞

鄭愔胡笳一首

漢將留邊朔遙七歲序深誰堪牧馬思正是胡笳吟
曲斷江山月聲悲雨雪陰傳書向蘇武陵也獨何心

王昌齡胡笳曲一首

城南虜已合一夜幾重圍自有金笳引能沾出塞衣
聽臨關月苦清入海風微三奏高樓曉胡人掩淚歸

簾簾

杜甫夜聞簾簾一首

夜聞簾簾滄江上
衰年側耳情聽響
鄰舟一聽多感傷
塞曲三更歎悲壯
積雪飛霜此夜寒
孤灯急管復風湍
君知天地干戈滿
不見江湖行路難

管

岑參裴將軍宅蘆管歌一首

遼東九月蘆葉斷
遼東小兒採蘆管
可憐新管清且悲
一曲風飄海頭滿
海樹蕭索天雨霜
管聲嘹唳月蒼上
白狼河北堪愁恨
玄兎城南皆斷腸
遼東將軍

長安宅美人蘆管會
佳客弄調啾飈勝
洞簫發聲窈窕欺
橫笛夜半高堂客
未回柅將蘆管送
君杯巧能陌上驚
楊柳復向園中誤
落梅諸客愛之聽
未足耳捲珠簾列
紅燭將軍醉舞不
肯休更使美人吹
一曲

沈佺期春曉太平公主小樓聞吟雙管一首

主家天下鳳樓人
傳得仙音到客新
未省落梅和折柳
風吹散作萬家春

崇文時駐步東觀還停輦輟膳玩三墳暉燈披五典
寒心覩肉林飛魄看沉湎縱情昏主多克已明君鮮
滅身資累惡成名由積善既承百王末戰兢隨歲轉

李百藥賦禮記一首

玉帛資王會郊丘叶聖情重廣開環堵至道軼金籙
盤薄依厚地遙裔騰太清方悅升中禮足以慰餘生

書

李嶠詠書一首

削簡龍文見臨池鳥跡舒何圖八卦出洛範九疇初
垂露春光滿崩雲骨氣餘請君看入木一寸乃非虛

蘇頲送賈起居奉使入洛取圖書因便拜觀
一首

舊國才因地當朝史命官遺文徵缺簡還思採芳蘭
傳受闕門候觴稱邑里歡早持京副入旋佇洛書刊

史

太宗詠司馬彪續漢志一首

二儀初構象三才乃分位非微樹司牧固亦垂文字
綿代更膺期芳圖無輟記炎漢承君道英謨纂神器
潛龍既可躍術免奚難致前史嬋妙詞後昆沉雅思
書言揚盛跡補闕興洪志川谷猶舊途郡國開新意

唐詩類苑 卷之五十九 音 二
梅山未覺朽穀水誰云異車服隨名表文物因時置
鳳戟翼康衢銜總柔轡清濁必能澄洪纖幸無弃
觀儀不失序遵禮方由事政宣竹律知時平王條備
文囿彫竒彩藝門蘊深致雲飛星且流風揚月蕪致
裡類遵令典壇壝資良地五勝竟無違百司誠有庇
粵予承暇景談叢引泉祕討論窮義府看覈披經竒
大辨良難仰小學終先匱聞道諒知榮含毫孰忘愧

張謂讀後漢逸人傳二首

子陵沒已久讀史思其賢誰謂潁陽人千秋如比肩
嘗聞漢光武曾是曠周旋名位苟無心對君猶可眠

東過富春渚樂此佳山川夜卧松下月朝看江上煙
釣時知有待釣罷應忘筮生事在林壑悠悠經暮年
于今七里灘遺跡尚依然高臺竟寂寞流水空潺湲
龐公南郡人家在襄陽里何處偏來往襄陽東陂是
誓將業田種終得保妻子何言二千石乃欲勸吾仕
鸛鵲巢茂林鴈鷖穴淶水萬物從所欲吾心亦如此
不見鹿門山朝朝白雲起采藥復采樵優游終莫齒

魏徵賦西漢一首

受降臨軹道爭長趨鴻門驅傳渭橋上觀兵細柳屯
夜宴經柏谷朝遊出杜原終藉叔孫禮方知皇帝尊

李嶷讀前漢外戚傳一首

人錄尚書事家臨御路傍鑿池通渭水避暑借明光
印綬妻封邑軒車子拜即寵因宮掖裡勢極必先亡

王珪詠漢高祖一首

漢祖起豐沛乘運以躍鱗手奮三尺劍西滅無道秦
十月五星聚七年四海賓高抗威宇宙貴有天下人
憶昔與項王契濶時未伸鴻門既薄蝕滎陽亦蒙塵
蟻虱生介冑將卒多苦辛爪牙驅信越腹心謀張陳
赫赫西楚國化為丘與榛

于季子詠漢高祖一首

百戰方夷項三章且待秦功歸蕭相國氣盡戚夫人

王珪咏淮陰侯一首

秦王日凶賁豪傑爭共亡信亦胡為者劍歌從項梁
項羽不能用脫身歸漢王道契君臣合時米名位彰
北討燕承命東驅楚絕糧斬龍堰濉水擒豹潛夏陽
功成享天祿建旗還南昌金千荅漂母錢百醉下鄉
吉凶成糾纏倚伏難預詳弓藏狡兔盡慷慨念心傷

王繼李陵咏一首

漢家李將軍二代將門子結髮有奇策少年成壯士
長驅塞上兵深入單于壘旌旗列相向蕭鼓悲何已

日暮沙漠陲戰聲烟塵裡將令胡虜滅豈獨名王侍
既失大軍援遂嬰穹廬耻少小蒙漢恩何堪坐思此
深衷欲有報投驅未能死引領望子卿非君誰相理

李白讀諸葛武侯傳書懷贈長安崔少府叔

封昆季一首

漢道昔云季群雄方戰爭霸圖各未立割劇資豪英
赤伏起頽運卧龍得孔明當其南陽時隴畝躬自畊
魚水三顧合風雲四海生武侯立岷蜀壯士吞咸京
何人先見許但有崔州平余亦草間人頗懷拯物情
晚途值子玉華髮同衰榮託意在經濟結交為弟兄

無令管與鮑千載獨知名

王維西施咏一首

艷色天下重西施寧久微朝為越溪女暮作吳宮妃
賤日豈殊衆貴來方悟稀邀人傳脂粉不自著羅衣
君寵益嬌態君憐無是非當時浣沙件莫得同車歸
持謝憐家子數輩安可希

李昂賦戚夫人楚舞歌一首

定陶城中是妾家妾年二八顏如花閨中歌舞未終
曲天下死人如亂麻漢王此地因征戰未出簾櫳人
已薦風花澹蕩落轅門雲雨徘徊入行殿日夕悠悠

非舊鄉飄颻處處逐君王
閉門向裡通歸夢銀燭迎
來在戰場相從願恩不顧已
何異浮萍寄深水逐戰
曾迷隻輪下隨君幾陷重圍裡
此時平楚沒平齊咸
陽宮闕到關西珠簾夕月聞鐘磬
白日秋天憶鼓鼙
君王縱恣翻成誤呂后由來有深妬
不奈君王容髣
衰相思相顧能幾時黃泉白骨不可報
雀釵翠羽從
此辭君楚歌兮妾楚舞脉脉相看兩心苦
曲木終兮
袂更揚君流涕兮妾斷腸已見儲君歸
惠帝徒流愛
子付周昌

賈至咏馮昭儀當熊一首

白羽揮彫弓蜺旌動朔風
平明出金屋扈輦上林中
逐獸長廊靜呼鷹御苑空
王孫莫諫獵賤妾解當熊

盧照隣咏史四首

季生昔未達身辱功不成
髡鉗爲臺隸灌園變姓名
幸逢滕將軍兼遇曹丘生
漢祖廣招納一朝拜公卿
百金孰云重一諾良匪輕
廷議斬樊噲群公寂無聲
處身孤且直遭時坦而平
丈夫當如此唯唯何足榮

又

大漢昔云季小人道遂振
王帛委奄尹斧鑕嬰縉紳
邈哉郭先生卷舒得其真
雍容謝朝廷談笑獎人倫

在晦不絕俗處亂不爲親諸侯不得友天子不得臣
冲情甄負甌重價折角巾悠悠天子士相送洛橋津
誰知仙舟上寂寂無四隣

又

公業負其志交結盡才雄良田四百頃所食常不充
一爲侍御史慷慨訟何公何公何爲敗吾謀適不同
仲穎恣殘忍廢誠良在躬死人如亂麻天子如轉蓬
干戈及黃屋荆棘生紫宮鄭生運其謀將以清國戎
時來命不遂脫身歸山東凜凜千載下穆然懷清風

又

若有平原男姓朱名阿游直髮上衝冠壯氣橫三秋
顧得斬馬劍先斷佞臣頭天子王檻折將軍丹血流
捐生不首拜視死其若休歸來教鄉里童蒙遠相求
弟子數百人散在十二州三公何敢吏五鹿何能詡
名與日月懸義與大壤儔何必疲執戟區區在封侯
偉哉曠達士知命固不憂

張九齡咏史一首

大德始無頗中智是所是居然已不一况乃務相詭
小道致泥難巧言因萋毀穰侯或見遲蘇生得陰揣
輕旣長沙傳重亦邊郡徙勢傾不幸然跡在胡寧爾

滄溟所爲大江漢日來委漕水雖復清魚鱉豈游此
賢哉有小白讎中有管氏若人不世生悠悠多如彼

王丘咏史一首

高潔非養正盛名亦險艱偉哉謝安石携妓入東山
雲岩響金奏空水灑朱顏蘭露滋香澤松風鳴佩環
歌聲入空盡舞影到池閑杳眇同天上繁華非代間
卷舒混名跡縱誕無憂患何必蘇門子冥然閉清關

王昌齡咏史一首

荷畚至洛陽胡馬屯北門天下裂其土豺狼滿中原
明夷方濟世歛翼黃埃昏披雲見龍顏始蒙國士恩

位重謀亦深所舉無遺奔長策寄臨終南山未可吞
賢智苟有時貧賤何所論唯然嵩山老而后知我言

李華咏史十一首

日照崑崙山羽人披羽衣乘龍駕雲霧欲往心無違
此山在西北乃是神仙國靈氣皆自然求之不可得
何爲漢武帝精思徧群山糜費巨萬計宮車終不還
蒼蒼茂陵樹足以戒人間

二

天生忠與義本以佐雍熙何意李司隸而當昏亂時
古墳襄城野斜徑橫秋陂况不禁樵採茅莎無孑遺

高標尚可仰精爽今何之一忤中常侍銜冤誰見知
常觀黨錮傳撫卷不勝悲

三

文侯耽鄭衛一聽一忘食白雪燕姬舞朱絃趙女彈
淫聲流不返惛蕩日無端獻爵受朝時鳴鍾讌百官
兩牀陳管磬九奏殊未闌對此唯恐卧更能整衣冠

四

蜀主相諸葛功高名亦尊驅馳千萬衆怒目瞰中原
曹伯任公孫國忘身不存社宮火蕪沒白鴈猶飛翻
勿言君自合可以濟黎元為蜀諒不易如曹難復論

五

六國韓最弱末年猶畏秦鄭生為韓計且欲疲秦人
利物可分社原情堪滅身咸陽古城下萬頃稻苗新

六

沂水春可涉泮宮映楊葉麗色異人問珊珊採佩環
展禽常獨處深巷生禾黍城上飛海雲城中暗春雨
適來鳴珮者復是誰家女泥沾珠綴履雨濕翠毛簪
電影閉蓮臉雷聲飛蕙心自言沂水曲采蘋蕪采菜
歸徑雖可尋天陰光景促憐君貞且獨願許君家宿
徒勞惜衾枕子不顧雙蛾艷質誠可重淫風如禮何

周王惑褒姒城闕成陂池

七

昂藏獬豸獸出自太平年亂代乃潛伏縱人爲禍愆
常聞斷馬劍每壯朱雲賢身死名不滅寒風吹墓田
精靈如有在凶憤滿松煙

八

漢皇修雅樂乘輿臨太學三老與五更天工親割牲
一人調風俗萬里和且平單于驟款塞武庫欲銷兵
文物此朝盛君臣何稔清至今遺壇下如有簫韶聲

九

巢許在嵩穎陶唐不得臣九州尚洗耳一命安能親
綿遠數千祀丘中誰隱淪朝遊公卿府夕是山林人
蒲帛揚及陋薜蘿爲縉紳九重念入夢三事思降神
且設屏中燎寧窺泉下人

十

漢時征百粵楊僕將樓船幕府功未立江湖已騷然
島夷非敢亂政暴地仍偏得罪因懷壁防身轍控弦
三軍求裂土萬里詎聞天魏闕心猶在旗門首已懸
如何得良吏一爲製方圓

十一

秦滅漢帝興南山有遺老危冠揖萬乘幸得厭征討
當君逐鹿時臣等已枯槁寧知市朝變但覺林泉好
高卧三十年相看成四皓帝言翁甚善願見何不早
咸稱太子仁重義亦遵道側聞驪姬事申生不自保
斃出商山雲謁來超洒掃東宮成羽翼楚舞傷懷抱
後代無其人及園滿秋草

張良璞覽史一首

享年八十已曆數窮蒼生七虎門源上咆哮閔內鳴
建都用鶉宿設險因金城舜曲烟火起汾河珠翠明
海雲引天仗朔雪雷邊兵作孽人怨久其亡鬼信盈

素靈感劉季白馬從子嬰昏虐不務德百代無芳聲

高適咏史一首

尚有綈袍贈應憐范叔寒不知天下士猶作布衣看

李嶠詠史一首

馬記天官設班圖地理新善談方壘壘青簡見彬彬
方朔初聞漢荆軻昔向秦正辭堪載筆終冀作良臣
徐九臯咏史一首

亡國秦韓代榮身劉項年金槌擊政後王斗碎墮前
聖主稱三傑明離保四賢已申黃石祭方慕赤松仙

詩

李嶠咏詩一首

都尉仙鳧遠梁王駟馬來
翳中紈素製机上錦文迴
天子三章傳陳王七步才
緇衣久擅美祖德信悠哉
杜甫夜聽許十誦詩愛而有作一首

許生五臺賓業白出石壁
余亦師粲可身猶縛禪寂
何階子方便謬引爲匹敵
離索晚相從包蒙欣有擊
誦詩渾遊衍四座皆辟易
應手看捶鈎清心聽鳴鏑
精微穿溟滓飛動竄霹靂
陶謝不枝梧風騷共誰激
紫鸞自超詣翠駁誰剪剔
君意人莫知人間夜寥閔
杜甫蘇大侍御訪江浦賦八韻記異一首并

序

蘇大侍御渙靜者也旅于江側
凡事不交州府之客人事都絕
又矣肩輿江浦忽訪老夫舟楫
而已茶酒內余請誦近詩肯吟
數首才力素壯詞氣動人接對
明日憶其湧思雷出書篋几杖
之外殷殷留金石聲賦八韻記
異亦記老夫傾倒於蘇至矣

龐公不浪出蘇氏今有之再聞誦
新作突過黃初詩乾坤幾反覆
揚馬宜同時今晨清鏡中勝食
齋房芝余髮喜却變白間生黑
絲昨夜卅天接湘娥簾外悲

唐詩類苑 卷之二十九 文部 二十二 林齋閣本

百靈未收散風過寒江遲

杜甫解悶五首

沈范早知何水部曹劉不待薛郎中獨當省署開文苑
燕之滄浪學釣翁

李陵蘇武是吾師孟子論文更不疑一飯未嘗留俗客
數篇今見古人詩

復憶襄陽孟浩然清詩句句盡堪傳即今耆舊無新語
謾釣槎頭縮項鱸

陶冶性靈存底物新詩改罷自長吟孰知二事將能事
頗學陰何苦用心

不見高人王右丞藍田丘壑蔓寒藤最傳秀句寰區滿
未盡風流相國能

杜甫戲為六首

庾信文章老更成凌雲健筆意縱橫令人嗤點流傳賦
不覺前賢畏後生

楊王盧駱當時躡輕薄為文哂未休尔曹身與名俱滅
不廢江河萬古流

縱使盧王操翰墨劣於漢魏近風騷龍文虎脊皆吾馭
歷塊過都見爾曹

大力應難跨數公凡今誰是出群雄或者翡翠蘭若

唐詩類苑 卷之二十九 文部 二十三 林齋閣本

上未掣鯨魚碧海中

不薄今人愛古人清辭麗句必爲鄰竊攀屈宋宜方
駕恐與齊梁作后塵

未及前賢更勿疑迺相祖述復先誰別裁僞躰清風
雅轉憶多師是汝師

杜甫送竇九歸成都一首

文章亦不盡竇子才縱橫非爾更持節何人符大名
讀書雲閣觀問絹錦官城我有浣花竹題詩須一行

杜甫偶題一首

文章千古事得失寸心知作者皆殊列聲名豈浪垂

騷人嗟不見漢道盛於斯前輩飛騰入餘波綺麗爲
後賢蕪舊利歷代各清規法自儒家有心從弱歲疲
求懷江左逸多病鄴中奇駉驥皆良馬麒麟帶好兒
車輪徒已斲堂構肯仍虧謾作潛夫論虛傳幼婦碑
緣情慰漂蕩塵疾屢遷移經濟慚長策飛棲假一枝
塵沙傍蜂蠆江峽繞蛟螭蕭瑟唐虞遠聯翩楚漢危
聖朝兼盜賊異俗更喧卑鬱鬱星辰劍蒼蒼雲雨池
兩都開幕府萬寓挿軍麾南海殘銅柱東風避月支
音書恨烏鵲號怒怪熊羆稼穡分詩興柴荆學士宜
故山迷白閣秋水憶皇陂不敢要佳句愁來賦別離

賦

李嶠咏賦一首

布義孫卿子登高楚屈平銅臺初下筆樂觀正飛纓
乍有凌雲勢時聞擲地聲造端長軀物無復大夫名
字

杜甫殿中楊監見示草書圖一首

斯人已云亡草聖祕難得及茲煩見示滿目一悽惻
悲風生微綃萬里有古色鏘鏘鳴玉動落落群松直
連山蟠其間溟漲與筆力有練實先書臨池真畫墨
俊拔爲之主暮年思轉極未知張王後誰並百代則

嗚呼東吳精逸氣感清識楊公拂篋筭舒卷忘寢食
念昔揮毫端不得觀酒德

李白草書歌行一首

少年上人號懷素草書天下稱獨步墨池飛出北溟
魚筆蜂殺盡中山兔八月九月天氣涼酒徒詞客滿
高堂牋麻素絹排數箱宣州石硯墨色光吾師醉後
倚繩床須臾掃盡數千張飄風驟雨驚颭颭落花飛
雪何茫茫起來向壁不停手一行數字大如斗怳怳
如聞神鬼驚時時只見蛟龍走左蟠右蹙如驚電狀
同楚漢相攻戰湖南七郡凡幾家家七屏障書題偏

王逸少張伯英古來幾許浪得名張顛老死不足數
我師此義不師古古來萬事貴天生何必要公孫大
娘渾脫舞

杜甫觀李潮八分小篆歌一首

蒼頡鳥跡既茫昧字體變化如浮雲陳倉石鼓又已
訛大小二篆生八分秦有李斯漢蔡邕中間作者寂
不聞嶧山之碑野火焚棗木傳刻肥失真苦縣光和
尚骨立書貴瘦硬神通方惜哉李蔡不復得吾甥李
潮下筆親尚書韓擇木騎曹蔡有隣開元已來數八
分潮也奄有二子成三人况潮小篆逼秦相快劍長

戟森相向八分一字直百金蛟龍盤擎肉屈強吳郡
張顛跨草書草書非古空雄壯豈知吾甥不流宕丞
相中郎丈人行巴東逢李潮逾月求我歌我今衰老
才力薄潮乎潮乎柰汝何

岑文本奉述飛白書勢一首

六文開王篆八躰曜銀書飛毫列錦綉拂素起龍魚
鳳舉崩雲絕鸞驚遊霧踈別有臨池草恩露垂露餘

文

劉脊虛寄江滔求孟六遺文一首

南望襄陽路思君情轉親偏知漢水廣應與孟家憐

在日貪為善昨來聞更貧相如有遺草一為問家人
碑

高適同觀陳十六史興碑一首并序

楚人陳章甫繼毛詩而作史興碑遠自周末迨
乎隋季善惡不隱蓋國風之流未藏名山刊在
樂石僕羨其事而賦是詩焉

荆衡氣偏秀江漢流不歇此地多精靈有時生才傑
伊人今獨步逸思能間發永懷掩風騷千載常屹屹
新碑亦崔嵬佳句懸日月則是刊石經終然繼檇杙
我來觀雅製慷慨變毛髮季主盡荒淫前王徒貽歎

東周既削弱兩漢更淪沒西晉何披猖五胡相唐突
作歌乃彰善比物仍惡許感歎將謂誰對之空咄咄

高適觀李九少府翥宓子賤神祠碑一首

吾友吏茲邑亦嘗懷宓公安知夢昧間忽與精靈通
一見興永歎再來激深衷賓從何逶迤二十四老翁
於焉見層碑突兀長林東作者無愧色行人敢遺風
坐令高岸盡獨對秋山空片石勿謂輕斯言固難窮
龍盤色絲外鵠顧偃波中形勝駐群目堅貞指蒼穹
我非王仲宣去矣徒發蒙

張說羽林恩詔御書王太尉碑一首

隴首名公石來承聖札歸魚龍生意態鈎劍動銛輝
字得神明保詞慙少女徽誰家羽林將又逐鳳書飛

徐安貞春初送呂向補闕往西嶽勒碑一首

聖作西山頌若其出使年勒碑懸日月驅傳接雲烟
寒盡函關路春歸洛水邊別離能幾許朝暮玉墀前

孫逖春初送呂向補闕往西嶽勒碑一首

刻石記天文朝推谷子雲篋中緘聖札岩下揖神君
詔別梅初豔為期草欲薰往來春不盡離思莫氛氲

杜甫送翰林張司馬南海勒碑一首

冠蓋通南極文章落上台詔從三殿去碑到百蠻開

野館穠花發春帆細雨來不知滄海上天遣幾時迴

檄

李嶠咏檄一首

羽檄本宣明由來伐木聲聯翩至漢國迢遞入燕營
毛義持書去張儀韞壁行曹風雖覺愈陳草始知名

紙

李嶠詠紙一首

妙跡蔡侯施芳名古伯馳雲飛錦綺落花發縹紅披
舒卷隨幽顯廉方合軌儀莫驚反掌字當取葛洪規

墨

李嶠咏墨一首

長安分石炭上黨結松心
逸盡蠅初落含茲綬更深
悲絲光易染黓素彩還沉
別有張芝學書池幸見臨

李白訓張司馬贈墨一首

上黨碧松煙夷陵丹砂末
蘭麝凝珎墨精光乃堪撥
黃頭奴子雙鴉鬟錦囊養
之懷袖間今日贈余蘭亭
去興水洒筆會稽山

筆

李嶠咏筆一首

握管門庭側含毫山水隈
霜輝簡上發錦字夢中開

鸚鵡搗文至麒麟絕句來
何當遇良史左右振奇才

硯

楊師道詠硯一首

圓池類壁水輕翰染烟華
將軍欲定遠見棄不應賒

李嶠咏硯一首

左思裁賦日王充作論年
光隨錦文發形帶石岩圓
積潤循毫裡開池小學前
君苗徒見熱誰詠士衡篇

杜甫石硯一首

平公今詩伯秀發吾所羨
奉使三峽中長嘯得石硯
巨璞禹鑿餘異狀君獨見
其滑乃波濤其光或雷電

聯坳各盡墨多水通隱見揮洒客數人十手可對面
 比公頭上冠止質未為賤當公賦佳句况得終清宴
 公含起草姿不遠明光殿致于丹青地知汝隨願
 書簡

李白訓宇文少府見贈桃竹書筒一首

桃竹書筒綺綉文良工巧妙稱絕群靈心圓映三江
 月彩質疊成五色雲中藏寶訣峨嵋去千里提携長
 憶君

唐詩類苑第二十九卷終

唐詩類苑第四十卷

仁和卓明卿澂父編輯

華亭張之象玄超

長洲毛文蔚豹孫同校

武部

戰伐

崔顥贈王威古一首

三十羽林將出身常事邊春風吹淺草獵騎何翩上
 挿羽兩相顧鳴弓新上弦射麋入深谷飲馬投荒泉
 馬上共傾酒野中聊割鮮相看未及飲雜虜寇幽燕

烽火去不息胡山高際天長驅救東北轉戰解城全
報國行赴難古來皆共然

王昌齡代扶風主人答一首

殺氣凝不流風悲月彩寒浮埃起四遠遊子迷不歡
依然宿扶風沽酒聊自寬寸心亦未理長缺誰能彈
主人就我飲對我還慨然便泣數行泪因歌行路難
十五役邊城三廻討樓蘭連年不解甲積日無所食
將軍降匈奴國使沒桑乾去時三十萬獨自還長安
不信沙場苦君看刀箭瘢鄉親悉零落塚墓亦摧殘
仰攀青松枝慟絕傷心肝禽獸悲不去路傍誰忍看

辛逢休明代寰宇靜波瀾老馬思伏櫪長鳴力已殫
少年與運會何時發悲端天子初封禪賢良刷羽翰
三邊悉如此否泰亦須觀

岑參胡歌一首

黑姓蕃王貂鼠裘葡萄宮錦醉纏頭閑西老將能苦
戰七十行兵仍未休

杜甫寄董卿嘉榮十韻一首

聞道君牙帳防秋近赤霄下臨千雪嶺却背五繩橋
海內久戎服京師今宴朝犬羊曾爛熳宮闕尚蕭條
猛將宜嘗膽龍泉必在腰黃圖遭污辱月窟可焚燒

會取干戈利無令斥埃驕居然雙捕虜自是一嫖姚
落日思輕騎秋天憶射雕雲臺畫影像皆為掃氛妖

張巡守睢陽一首

接戰春來苦孤城日漸危合圍伴月暈分守若魚麗
虜厭黃塵起時將白羽揮褰瘡猶出陣飲血更登陴
忠信庶難敵堅貞諒不移無人報天子心計欲何施

杜甫苦戰行一首

苦戰身死馬將軍自云伏波之子孫干戈未定失壯
士使我嘆恨傷精魂去年江南討狂賊臨江把臂難
再得別時孤雲今不飛時獨看雲淚橫臆

李白戰城南一首

去年戰桑乾源今年戰葱河道洗兵條支海上波放
馬天山雪中草萬里長戰征三軍盡衰老匈奴以殺
戮為耕作古來唯見白骨黃沙田秦家築城備胡處
漢家還有烽火然烽火然不息征戰無已時野戰格
鬥死敗馬號鳴向天悲烏鳶啄人腸銜飛上挂枯樹
枝士卒塗草莽將軍空尔為乃知兵者是凶器聖人
不得已而用之

徐九臯戰城南一首

塞北狂胡旅城南敵漢圍巉巖一鼓氣拔利五兵威

虜騎瞻山哭王師拓地飛不憊須龍戰當遂勒金微

楊炯戰城南一首

塞北途遼遠城南戰苦辛幡旗如鳥翼甲冑似魚鱗
凍水寒傷馬悲風愁殺人寸心明白日千里暗黃塵

盧照隣戰城南一首

將軍出紫塞冒頓在烏貪笳喧鴈門北陣翼隴城南
凋弓夜宛轉鉄騎曉參驪應須駐白日為戰待方酣

崔融西征軍行遇風一首

北風捲塵沙左右不相識颯七吹萬里昏七同一色
馬煩不敢進人急未遑食草木春更悲天景晝相匿

夙齡慕忠勇雅尚存孤直覽史懷寢驕讀詩嘆孔棘
及茲戎馬地忝從書紀戰兵氣騰北荒軍聲振西極
坐覺威靈遠行看稜氛息愚臣何以報倚馬中微力

岑參走馬川行奉送出師西征一首

君不見走馬川行雪海邊平沙莽七黃入天輪臺九
月風夜吼一川碎石大如斗隨風滿地石飛走匈奴
草黃馬正肥金山西見烟塵飛漢家大將西出師將
軍金甲夜不脫半夜軍行戈相撥風頭如刀面如割
馬毛帶雪汗氣蒸五花連錢旋作冰幕中草檄硯水
凝虜騎聞知心膽懾料知短兵不敢接車師西門佇

唐詩卷之四十一
四
岑參周本
獻捷

岑參輪臺歌奉送封大夫出師西征一首

輪臺城頭夜吹角
輪臺城北旄頭落
羽書昨夜過渠黎
單于已在金山西
戍樓西望煙塵黑
漢兵屯在輪臺北
上將擁旄西出征
平明吹笛大軍行
四邊伐鼓雪海湧
三軍大呼陰山動
虜塞兵氣連雲屯
戰場白骨纏草根
劍河風急雲片闊
沙口石凍馬啼脫
亞相勤王耳苦辛
誓將報主靜邊塵
古來青史誰不見
今見功名勝古人

高適李雲南征蠻詩一首○并序

天寶十一載有詔伐西南夷右相揚公兼節制之寄乃奏前雲南太守李宓涉海自交趾擊之道路險艱徃役數萬里蓋百王所未通也十二載四月至於長安君子是以知廟堂使能而李公効節適忝斯人之舊因賦是詩

聖人赫斯怒詔伐西南戎
肅穆廟堂上深沉節制雄
遂令感激士得建非常功
料死不料敵顧恩寧願終
鼓行天海外轉戰蠻夷中
梯巖近高鳥穿林經毒虫
鬼門無歸客北戶多南風
蜂蠆隔萬里雲雷隨九攻
長駟大浪破急擊群山空
餉道忽已遠縣軍垂欲窮

唐詩類苑 卷之四十一 五言 精誠動白日憤溥連蒼穹野食掘田鼠哺食蕪棘僮
收兵列亭候拓地彌西東臨事耻苟免履危能飭躬
將星獨照耀邊色何滇濠瀘水夜可涉交州今始通
歸來長安道召見甘泉宮薰蘭若未死孫吳知暗同
相逢論意氣慷慨謝深衷

陳子昂送著作佐郎崔融等從梁王東征一

首○并序

古者涼風至白露下天子命將帥訓甲練兵將
以外威荒戎內輯中夏時人遠矣自我大君受
命百蠻蟻伏匈奴舍蒲萄之宮越裳重翡翠之

貢虎符不發象攸同寔欲高議靈臺偃息天下
而林胡遺孽蓬亂邊圻驅蚊蚋之師忽雷霆之
伐乃竊海裔弄燕錘皇帝哀北鄙之人懼其辛
螫以東征之義降彼偏裨犹恐威令未孚亭塞
可留岐路方乖關山成恨嗟乎朝庭好入期富
貴于崇朝林嶺吾棲學神僊而未畢且青霞路
絕朱紱途遙言此會之何時願相逢而誰伐求
懷千古豈知人者之交比我三人蓋崇不朽之
迹斯文未喪題之此山同疏六韻云爾

金天方肅殺王露始專征王師非樂戰之子慎佳兵

海氣侵南部邊風掃北平莫賣盧龍塞歸邀麟閣名
陳子昂東征至淇門答宋參軍之問一首

南星中大火將子涉清淇西林改微月征旆空自持
碧潭去已遠瑤草折遺誰若問遼陽戍悠悠天際旗
陳子昂東征答朝庭相送一首

平生白雲意疲尔媿爲雄君王謬殊寵旌節此從戎
按繩當繫虜單馬豈邀功孤劍將何託長謠塞上風

李義夏日都門送司馬員外逸客孫員外佺

北征一首

日逐滋南寇天威撫北垂析珪行杖節持印且分麾

羽檄雙鳧去兵車駟馬馳虎旗懸氣色龍劍抱雄雌
候月期戡剪經時念別離坐聞關隴外無復引弓兒

沈佺期夏日都門送司馬員外逸客孫員外

佺北征一首

二庭追虜騎六月動周師廟畧天人授軍麾相國持
節言徵二妙才命重當時畫省連征橐橫門共別詞
雲迎出塞馬風卷渡河旗計日方夷寇旋聞杖朴詩

沈佺期送盧管記先客北伐一首

羽檄西北飛交城日夜闌廟堂盛徵選戎幙生光輝
鴈行度幽谷馬首向金微湛七山川暮蕭七涼氣稀

唐詩卷之四
武部
七
松齋周本
餞途予憫默赴敵子英威今日楊朱泪無將洒鉄衣
張說送趙二尚書彥昭北伐一首

虜地河水合邊城備此時兵連紫關路將舉白雲司
題劔榮中貴銜珠盛出師日華光組練風色焰旌旗
投筆樽前起橫戈馬上辭梅花吹別引楊柳賦新詩

李白送梁公昌從信安王北征一首

入幕推英選捐書事遠戎高談百戰術鬱作萬夫雄
起舞蓮花劍行歌明月宮將飛天地陣兵出塞垣通
祖席留影在麾拂綵虹旋應獻凱入麟閣佇深功

辛常伯軍中行路難一首

君不見封狐雄虺自成群憑君負固結妖氣玉壘分
兵徵惡少金墉授律動將軍將軍擁旄宣廟畧戰士
橫戈靜夷落長驅一息背銅梁直指三危登劍閣閣
道迢迢起成樓劍門搖裔俯靈丘邛關九折無平路
江水雙源有急流征役無期返他鄉歲月晚杳丘丘
陵出蒼七林薄遠途危紫蓋峯路澁青泥坂去卜指
哀牢行七入不毛絕壁千里險連山四望高中外分
區宇夷夏殊風土交趾枕南荒昆弥臨北戶川源饒
毒霧谿谷多淫雨行潦四時流崩岩千歲古漂梗飛
蓬不暫安捫藤引葛陟危巒昔時聞道從軍樂今日

方知行路難滄江綠水東流駛炎州丹徼南中地南
中南斗映星河秦關秦塞阻煙波三春邊地風光少
五月瀘中瘴癘多朝馳疲斥候夕息倦樵歌向月灣
繁弱連星轉太阿重義輕生懷一顧東征西伐凡幾
度夜七朝七班髮新年七歲七戎衣故灞城隅滇池
水天涯望轉積地際行無已徒覺炎涼節物非不知
関山千萬里棄置勿重陳征行多苦辛且悅清笳梅
柳曲誰憶芳園桃李人絳節紅旗分日羽丹心白刃
酌明主但今一被君王知誰憚三邊征戰苦行路難
幾千端無復歸雲憑短翰空餘望日想長安

駱賓王軍中行路難一首

君不見王關塵色暗邊庭銅鞮雜虜寇長城天子按
劍徵餘勇將軍受脤事橫行七德龍謠開玉帳千里
鼉鼓疊金鉦陰山苦霧埋高壘交河孤月照連營連
營去七無窮極擁旆遥遥過絕國陣雲朝結晦天山
寒沙夕漲迷踈勒龍鱗水上開魚貫馬首山前振鳴
翼長駟萬里驚祁連分麾三令武功宣百發烏號遙
碎柳七尺龍文迴照蓮春來秋去移灰瑁蘭閨柳市
芳塵斷馬門迢迢尺書稀鴛被相思雙帶緩行路難
行路難誓令氛祲靜臯蘭但使封侯龍額貴詎隨中

婦鳳棲寒

王昌齡變行路難一首

向晚橫吹悲風動馬嘶
合前驅引旗節千里陣雲匝
單于下陰山沙礫空颯颯
封侯取一戰豈復念閨閣

幕府

岑參送王著作赴淮西幕府一首

燕子與白勞一西復一東
天空信寥廓翔集何時同
知己惟難遇良朋非易逢
憐君心相親與我家又通
言笑日無度書札九幾封
湛湛萬頃陂森森千丈松
不知有機巧無事干心胸
蒲堂皆酒徒豈復羨王公

早年抱將畧累歲依幕中
昨者從淮西歸來奏邊功
乘恩長樂殿醉出明光宮
逆旅悲寒蟬客亭驚飛鴻
發家見春草却去聞秋風
月色冷楚城淮光透霜空
各自務功業當湏激深衷
別後能相思何嗟山萬里

李白送趙判官赴黔府中丞叔幕一首

廓落青雲心結交黃金盡
富貴翻相忘令人忽自哂
蹭蹬鬢毛班盛時難再還
巨源咄石生何事馬啼間
綠蘿長不厭却欲還東山
君爲學曾子拜揖高堂裡
叔繼趙平原偏承明主恩
風霜摧獨坐旌節鎮雄藩
虎士秉金鉞蛾眉開玉樽
才高幕下去義重林中言

水宿五湖月霜啼三峽援東風春草綠江上候歸軒

李白送張遙之壽陽幕府一首

壽陽信天險天險橫荆関符堅百萬衆遙阻八公山
不假築長城大賢在其間戰夫若熊虎破敵有餘閑
張子勇且英少輕衛霍尋投駟紫髯將千里望風顏
勗尔効才畧功成衣錦還

李白在水軍宴贈幕府諸侍御一首

月在五白龍翻飛凌九天胡沙驚北海電掃洛陽川
虜箭兩宮闕皇輿成播遷英主受廟畧秉鉞清南邊
雲旗卷海雪金戟羅江煙聚散百萬人弛張在一賢

霜臺降群彥水國奉戎旃綉衣開宴詒天人借樓舡
如登黃金臺遙謁紫霞僊卷身編蓬下冥机四十年
寧知草間人腰下有龍泉浮雲在一決誓欲清幽燕
願與四座公靜談金匱篇齊心戴朝恩不惜微軀捐
所冀旄頭滅功成追魯連

李白送程劉二侍御兼獨孤判官赴安西幕府一首

安西幕府多才雄喧喧惟道三數公綉衣貂裘明積
雪飛書走檄如飄風朝辭明主出紫宮銀鞍送別金
城空天外飛霜下葱海火旗雲馬生光彩胡塞塵清

幾日歸漢家草綠遙相待

杜甫送李八秘書赴相公墓一首

青簾白舫益州來巫峽秋濤天地迴石出倒聽楓葉
下櫓搥背指菊花開貪趨相府今晨發怒失佳期後
命催南極一星朝北斗五雲多處是天台

高適信安王幕府一首○并序

開元二十年國家有事林胡詔禮部尚書信安
王總戎大舉時考功郎中王公司勳郎中劉公
主客郎中魏公侍御史李公監察御史崔公咸
在幕府詩以頌美數公見于詞

雲紀軒皇代星高太白年廟堂咨上策幕府制中權
盤石藩維固昇壇禮樂先國章榮印綬公服貴貂鞞
樂善旌深德輸忠格上玄剪桐光寵錫題劍美貞堅
聖祚雄圖廣師貞武德虔雷霆七校發旌旆五雲連
華省徵群乂霜臺舉二賢豈伊公望遠曾是茂才遷
並秉韜鈴術兼該翰墨遊帝思麟閣像臣獻栢梁篇
振王登遼甸縱金歷薊壩度河飛羽檄橫海泛樓舡
北伐聲逾邁東征務以專講戎喧涿野料敵靜告延
軍勢持三畧兵戎自九天朝瞻授鉞去時聽偃戈旋
大漠風沙裊長城雨雪邊雲端臨碣石波際隱朝鮮

夜壁衝高斗寒空駐綵旃倚弓玄兔月飲馬白狼川
庶物隨交泰蒼生解倒懸四郊增氣象萬里絕風烟
關塞鴻勳著京華甲第全落梅橫吹後春色凱歌前
直道常兼濟微才獨棄捐曳裾誠已矣投筆尚悽然
作賦同元淑能詩匪仲宣雲霄不可望空欲仰神僊

李白中丞宋公以吳兵三千赴河南軍次尋

陽脫余之囚參謀幕府因贈之一首

獨坐清天下專征出海隅九江皆渡虎三郡盡還珠
組練明秋浦樓船入郢都風高初選將月滿欲平胡
殺氣橫千里軍聲動九區白猿慙劍術黃石借兵符

戎虜行當剪鯨鯢立可誅自怜非劇孟何以佐良圖

杜甫奉贈盧五丈參謀珪一首

恭惟同自出妙選異高標入幕知孫楚披襟得鄭僑
丈人藉才地門閥冠雲霄老矣逢迎拙相於契托饒
賜錢傾府待爭米駐舡遙隣好艱難薄氓心杼軸焦
客星空伴使寒水不成潮素髮乾垂領銀章破在腰
說詩能累夜醉酒或連朝藻翰惟牽率湖山合動掇
時清非造次興盡却蕭條天子多恩澤蒼生轉寂寥
休傳鹿是馬莫信鵬爲鴉未解依七袂還斟汎汎瓢
流年疲蟋蟀體物幸鷓鴣辜負滄洲願誰云晚見招

岑參送史司馬赴崔相公幕一首

崢嶸丞相府清切鳳凰池
羨爾瑤臺鶴高棲瓊樹枝
歸飛晴日好吟弄惠風吹
正是乘軒榮初當學舞時
珍禽在羅網微命若遊絲
願托周周羽相銜渾水滙

送兵

高適送兵到薊北一首

積雪與天迥屯軍連塞愁
誰知此行邁不爲覓封侯

高適送白少府送兵之隴石一首

殘更登隴首遠別指臨洮
爲問關中事何如州縣勞
軍容隨赤羽樹色引青袍
誰斷單于臂今年太白高

高適送獨孤判官部送兵一首

錢君嗟遠別爲客念周旋
征路今如此前軍猶眇然
出關逢漢壁登隴望胡天
亦是封侯地期君早着鞭

徐九臯送部四鎮人往單于別知故一首

天下今無事雲中獨未寧
忝駘更戍卒方遠送邊庭
馬飲長城水軍占太白星
國恩應可報何必守經營

觀兵

李白登邯鄲洪波臺置酒觀發兵一首

我把兩赤羽來遊燕趙間
天狼正相射感激無時閑
觀兵洪波臺倚劔望玉闕
請纓不繫越且向燕然山

風引龍虎旗歌鍾惜追攀繫筇落高月投壺破愁顏
遙知百戰勝定掃鬼方還

杜甫陪栢中丞觀宴將士二首

極樂三軍士誰知百戰場無私齊綺饌久坐密金章
醉客沾鸚鵡佳人指鳳凰幾時來翠節特地引紅粧

又

綉段粧簷額金花帖鼓腰一夫先舞劍百戲後歌鏹
江樹城孤遠雲臺使寂寥漢庭頻選將應拜霍嫖姚

杜甫觀兵一首

北庭送壯士貔虎數尤多精銳舊無敵邊隅今若何

妖氛擁白馬元帥待彫戈莫守鄴城下斬鯨遼海波

杜甫觀安西兵過赴閔中侍命二首

四鎮富精銳摧鋒皆絕倫還聞獻士卒足以動風塵
老馬夜知道蒼鷹飢着人臨危經久戰用意始知神

又

奇兵不在衆萬里救中原談笑無河北心肝奉至尊
孤雲隨殺氣飛鳥避轅門竟日留歡樂城池未覺喧

赴軍

岑參送李副使赴磧西官軍一首

火山六月應更熱赤亭道口行人絕知君慣度祁連

城豈能愁見輪臺月脫衣暫入酒家壚送君萬里西
擊胡功名祇向馬上取真是英雄一丈夫

岑參武威送劉判官赴磧西行軍一首

火山五月人行少看軍馬上疾如鳥都護行營太白
西角聲一動胡天曉

張說送王尚一嚴嶷二侍御赴司馬都督軍

一首

漢掖通沙塞邊兵護草腓將行司馬令助以鐵冠威
白鷺鷹初下黃塵騎欲飛明年春酒熟留酌二星歸
蘇頲餞趙尚書攝御史大夫赴朔方軍一首

勁虜欲南飛揚兵護朔垂趙堯寧易印鄧禹即分麾
野餞迴三傑軍謀出六奇雲邊秋出塞日下愴臨歧
拔劍行人舞揮戈戰馬馳明年麟閣上充國拜於斯
從軍

虞世南從軍行二首

塗山烽候驚弭節度龍城冀馬樓蘭將燕犀上谷兵
劍寒花不落弓曉月逾明凜凜嚴霜節冰壯黃河絕
蔽日卷征蓬浮天散飛雪全兵值月浦精騎乘膠折
結髮早驅馳辛苦事旌麾馬凍重關冷輪摧九折危
獨有西山將年七屬數奇

又

烽火發金微連營出武威孤城塞雲起絕陣虜塵飛
俠客吸龍劍惡少縵胡衣朝摩骨都壘夜解谷蠡圍
蕭關遠無極蒲海廣難依沙磴離旌斷晴川候馬歸
交河梁已畢燕山旆欲飛方知萬里相侯服見光輝

喬知之從軍行一首

南庭結白露北風掃黃葉此時鴻鴈來驚鳴催思妾
曲房理針線平砧搗文練鴛綺裁易成龍鄉信難見
窈窕九重閨寂寞十年啼紗窓白雲宿羅幌月光栖
雲月曉微微愁思流黃機玉霜凍朱履金吹薄羅衣

漢家已得地君去將何事宛轉結蚕書寂寞無雁使
平生荷恩信本爲榮華進况復落紅顏蟬聲催綠鬢

劉希夷從軍行一首

秋天風颭颭群胡馬行疾嚴城書不開伏兵暗相失
天子廟堂拜將軍凶門出紛七晉陽道戎馬幾萬疋
軍門壓黃河兵氣衝白日平生懷仗劍慷慨即投筆
南登漢月孤北走代雲密近取韓彭計早知孫吳術
丈夫清萬國誰能掃一室

王昌齡從軍行一首

向夕臨大荒翊風軫歸慮平沙萬餘里飛鳥宿何處

虜騎殲長原翩翩傍河去邊聲搖白草海氣生黃霧
百戰苦風塵十年履霜露雖投定遠筆未坐將軍樹
早知行路難悔不理章句

王維從軍行一首

吹角動行人喧喧行人起笳悲馬嘶亂爭渡金河水
日暮沙漠陞戰聲煙塵裡盡係名王頸歸來獻天子

崔國輔從軍行一首

塞北胡霜下營軍索兵救夜夜偷道行將軍馬亦瘦
刀光照塞月陣色明如書傳聞賊滿山已共前鋒鬪

劉廷琦從軍一首

朔風吹寒塞胡沙千萬里陣雲出岱山孤月生海水
決勝方求敵衛恩本輕死蕭蕭牧馬鳴中夜拔劍起

李頎古從軍行一首

白日登山望烽火黃昏飲馬傍交河行人刁斗風沙
暗公主琵琶幽怨多野雲萬里無城郭雨雪紛_七連
大漠胡鴈哀鳴夜夜飛胡兒眼淚雙_七落聞道_七玉門
猶被_七渡應將性命逐輕車年_七戰骨埋荒外空見蒲
桃入漢家

李昂從軍行一首

漢家未得燕支山征戍年_七沙朔間塞下長驅汗血

馬雲中恒閉王門關陰山瀚海千萬里此日桑河凍
流水稽洛山邊雲騎來漁陽戍裡烽烟起長途羽檄
何相望天子按劍思北方羽林練士拭金甲將軍校
戰出玉堂幽陵異域風烟改亭障連七古今在夜聞
鴻鴈南渡河晚望旌旂北臨海塞沙飛浙瀝遙裔連
窮磧玄漠雲平初合陣西山月出聞鳴鐃城南百戰
多苦辛路傍死卧黃沙人戎衣不脫隨霜雪汗馬趨
趨長被鐵楊葉樓中不寄書蓮花劍上空流血匈奴
未滅不言家駟逐行行邊徼賒歸心海外見明月別
思天邊嘉落花落花迴望何悠悠芳樹無人渡隴頭

春雲不變陽關空桑葉先知胡地秋田疇不賣盧龍
策竇憲思勒燕然石縻兵靜北垂此日交河湄欲令
塞上無干戚會待單于繫頸時

王宏從軍行一首

兒生三日掌止珠燕頰猿肱穠李膚十五學劍北擊
胡羌歌燕筑送城隅城隈路接伊川驛河陽渡頭邯
鄲陌可憐少年把手時黃鳥雙飛梨花白秦王染城
三千里西自臨洮東遼水山邊壘壘黑雲飛海畔莓
莓青草死從未戰聞不求勲殺身為君君不聞鳳凰
樓上吹急管落日徘徊腸先斷

賀朝清從軍行一首

朔風乘月寇邊城軍書插羽刺中京天子金壇拜飛
將單于玉塞振佳兵騎射先鳴推任俠龍韜決勝佇
時英聞有河湟客情悵理帷帟常山啓羈圖汜水先
天策銜珠浴鐵向桑乾纛旗膏鼓指烏丸鳴鷄已報
關山曉未鴈遙傳沙塞寒直爲寸心從苦節隴頭流
水鳴嗚咽邊樹蕭蕭不覺春天山漠北長飛雪魚麗
陣接塞雲平鴈翼管通海月明始看晉幙飛鵝入旋
聞齊壘啼鳥聲自從一戍燕支山春光幾度晉陽關
金河未轉青絲騎下筋應啼紅粉顏鴻歸燕相逐池

邊芳草綠子見氛清細柳營莫更春歌落梅曲烽沉
鼙減靜邊亭海宴山空肅已寧行望鳳京旋凱捷重
來麟閣畫丹青

王維從軍辭二首

簇甲從軍又風雲識陣難今朝拜韓信計日斬安成

又

熱頷多奇相狼頭敢犯邊奇言班定遠正是立功年

王昌齡從軍行一首

大將軍出戰白日暗榆關三面黃金甲單于破膽寒

王維從軍辭一首

鬢頭夜落捷書飛來奏金門看賜衣白馬將軍頻破敵黃龍戍卒幾時歸

王昌齡從軍行六首

烽火城西百尺樓黃昏獨坐海風秋更吹羌笛關山月誰那金閨萬里愁

二

琵琶起舞換新聲總是關山離別情撩亂邊愁聽不盡高高秋月照長城

三

春海長雲暗雪山孤城遙望玉門關黃沙百戰穿金

甲不破樓蘭終不還

四

大漠風塵日色昏紅旗半捲出轅門前軍夜戰洮河北已報生擒吐谷渾

五

胡瓶落膊紫薄汗碎葉城西秋月團明勅星馳封寶劔辭君一夜取樓蘭

六

玉門山嶂幾千重山北山南總是烽人依遠戍須看火馬踏深山不見蹤

李白從軍行二首

騮馬新誇白玉鞍，戰罷沙場月色寒。
城頭鐵鼓聲猶振，匣裡金刀血未乾。

百戰沙場碎鐵衣，城南已合數重圍。
突營射殺呼延將，獨領殘兵千騎歸。

駱賓王從軍行一首

平生一顧念，意氣溢三軍。
野日分戈影，天星合劍文。
弓弦抱漢月，馬足踐胡塵。
不求生入塞，唯晉死報君。

楊炯從軍行一首

烽火照西京，心中自不平。
牙璋辭鳳闕，鐵騎遠龍城。

雪暗凋旗畫，風多雜鼓聲。
寧為百夫長，勝作一書生。

李白從軍行一首

從軍玉門道，逐虜金微山。
笛奏梅花曲，刀開明月環。
鼓聲鳴海上，兵氣擁雲間。
願斬單于首，長驅靜鉄關。

崔融從軍行一首

穹廬雜種亂金方，武將神兵下玉堂。
天子旌旂過細柳，匈奴運數盡枯楊。
關頭落月橫西嶺，塞下凝雲斷北荒。
漠漠邊塵飛衆鳥，昏昏朔氣聚群羊。
依稀蜀杖迷新竹，髣髴胡床識故桑。
臨海舊耒聞驃騎，尋河本自有中郎。
坐看戰壁爲平土，近待軍營作破羗。

李白送張秀才從軍一首

六駃食猛虎耻從駑馬群一朝長鳴去矯若龍行雲
壯士懷遠畧志存解世紛周粟猶不雀齊珪安肯分
抱劍辭高堂將投崔冠軍長策掃河洛寧親歸汝墳
當令千古後麒麟閣著奇勲

孟浩然送陳七從軍一首

吾觀非常者碌碌在目前君負鴻鵠志蹉跎書劍年
一聞邊烽動萬里忽爭先余亦赴京闕何當獻凱旋
李白送族弟綰從軍安西一首

漢家兵馬乘北風鼓行而西破犬戎爾隨漢將出門

去剪虜若草收奇功君王按劍望邊邑旄頭已落胡
天空匈奴繫頸數應盡明年應入蒲桃宮

李白送外甥鄭灌從軍三首

六博爭雄好彩來今盤一擲萬人開丈夫賭命報天
子當斬胡頭衣錦回

二

丈八蛇矛出隴西彎弧拂箭白猿啼破胡必用龍韜
策積甲應將熊耳齊

三

月蝕西方破敵時及瓜歸日未應遲斬胡血變黃河

水梟首當懸白鵠旗

陳子昂送魏大從軍一首

匈奴猶未滅魏絳復從戎
悵別三河道言追六郡雄
鴈山橫代北狐塞接雲中
勿使燕然上獨有漢臣功
賀知章送人之軍中一首

常經絕脉塞復見斷腸流
送子成今別令人起昔愁
隴雲晴半雨邊草真先秋
萬里長城寄無貽漢國憂
杜甫送人從軍一首

弱水應無地陽關已近天
今君渡沙磧累日斷人烟
好武寧論命封侯不計年
馬寒防失道雪沒錦鞍韉

孟浩然送蘇六從軍一首

才有幕中畫而無塞上勲
漢兵將滅虜王粲始從軍
旌旆邊庭去山川地脉分
平生一七首感激贈夫君

李嶠送駱奉禮從軍一首

玉塞邊烽舉金壇廟畧申
羽書資銳筆戎幕引英賓
劔動三軍氣衣飄萬甲塵
琴樽留別賞風景惜離晨
笛梅含晚吹營柳帶餘春
希君勒石返歌舞入城闈

楊炯送劉校書從軍一首

天將下三宮星門召五戎
坐謀資廟畧飛檄佇文雄
赤土流星劔烏號明月弓
秋陰生蜀道殺氣繞湟中

風雨何年別琴樽此日同離亭不可望溝水自西東

孟浩然送莫氏甥蕪諸昆弟從韓司馬入西

軍一首

念尔習詩禮未曾違戶庭平生早偏露萬里更飄零
坐棄三冬業行觀八陣形飾裝辭故里謀策赴邊庭
壯志吞鴻鵠遙心伴鵠鵠所從文與武不戰自應寧

駱賓王在軍中贈先選知己一首

蓬轉俱成役爪時獨未還魂迷金闕路望斷玉門關
獻凱多慙霍論封幾謝班風塵吹白首歲月損紅顏
落鴈低秋塞驚鳧起溟灣胡霜如劍鏑漢月似刀環

別後庭前樹相思幾度攀

駱賓王宿温城望軍營一首

虜地寒膠折邊城夜柝聞兵符閑帝闕天策動將軍
塞靜胡笳徹沙明楚練分風旗翻翼引霜劔轉龍文
白羽搖如月青山斷若雲烟踈疑卷幔塵滅似銷氛
按筆懷班業臨城想願勲還應雪漢耻持此報明君

唐詩類苑第四十卷終

白日銷山日青山
塞積時時燧少
寒時寒時
銀實王帝
漢月似刀

唐詩類苑第四十一卷

仁和卓明卿澂父編輯
華亭張之象玄超
長洲毛文蔚豹孫同校

武部

行軍

岑參行軍二首

吾竊悲此生四十幸未老一朝逢世亂終日不自保
胡兵奪長安宮殿生野草傷心五陵樹不見二京道
我皇在行軍兵馬日浩浩胡雛尚未滅諸將肯征討

唐詩類苑 卷之四十一 武部 二
昨聞咸陽敗殺戮靜如掃積屍若丘山流血漲豐鎬
干戈礙鄉國豺虎滿城堡村落皆無人蕭條空桑棗
儒生有長策無處豁懷抱塊然傷時人舉首哭蒼昊
其二
早知逢世亂少小謾讀書悔不學彎弓向東射狂胡
偶從諫官列謬向丹墀趨未能匡吾君虛作一丈夫
撫劍傷世路哀歌泣良圖功業今已遲覽鏡悲白鬚
平生抱忠義不敢私微軀

陶翰贈鄭員外一首

驄馬拂綉裳按兵遼水陽西分鴈門騎北逐樓煩王

聞道五軍集相激百戰場風沙暗天起虜陳森已行
儒服揖諸將雄謀吞八荒金門求見謁朱紱生輝光
數載侍御史稍遷尚書郎人生志氣立所貴功業昌
何必守章句終年事蒼黃同時獻賦客尚在東陵傍
岑參和杜相公初夏發京城作一首

按節辭黃閣登壇恋赤墀銜恩期報主授律遠行師
野鵲迎金印郊雲拂畫旗叨陪幕中客敢和出車詩
岑參奉和相公發益昌一首

相國臨戎別帝京擁麾持節遠橫行朝登劔閣雲隨
馬晚渡巴江雨洗兵山花萬朶迎征蓋川柳千條拂

去旌暫到蜀城應計日須知明主待持衡
告捷

陳子昂還至張掖古城聞東軍告捷贈蕭五
虛已一首

孟秋首歸路仲月旅邊亭聞道蘭山戰相邀在井陘
屢聞閔月滿三捷虜雲平漢軍追北地胡騎走南庭
君為幕中士疇昔好言兵白虎鋒應出青龍陣幾成
披圖見丞相按節入咸京寧知王門道空作隴西行
北海朱旄落東歸白露生縱橫未得意寂寞寡相迎
負劍空嘆息蒼茫登古城

玄宗旋師喜捷一首

邊服胡塵起長安漢將飛龍蛇開陣法貔虎振軍威
詐虜腦塗地征夫血染衣今朝書奏入明日凱歌歸
蕭安石侍宴旋師喜捷制一首

蜂蟻屯夷落熊羆逐漢飛忘軀百戰後屈指一年歸
厚眷紆天藻深辭解御衣興酣歌舞出朝野嘆光輝
凱旋

王維平戍辭二首

太白秋高助後兵長風夜卷虜塵清男兒却解腰間
劍喜見從王道化平

卷旆生風喜氣新
早持龍節靜邊塵
漢家天子圖麟閣
身是當今第一人

戰勝樂一首

百戰得功名
天兵意氣生
三邊永不戰
此是我皇英

岑參滅胡曲一首

都護新城胡士馬
氣亦鹿蕭條
虜塵淨突兀
天山孤

張說破陳樂詞二首

漢兵出頓金微照日光
明鉄衣百里火燔燄燄千行
雲騎駢駢蹙踏遼河自竭
鼓譟燕山可飛正屬西方
朝賀端知萬舞皇威

少年膽氣凌雲共許驍
雄出群死馬城西挑戰
甌斤
薊北從軍一鼓鮮卑送款
五餌單于解紛誓欲成名
報國羞將開口論勲

高適同李員外賀哥舒大夫破九曲之作一首

遙傳副丞相昨日破西蕃
作氣群山動揚軍大旆翻
奇兵邀轉戰連弩絕歸奔
泉噴諸戎血風驅死虜魂
頭飛攢萬戟面縛聚轅門
鬼哭黃埃暮天愁白日昏
石城與岩險鉄騎背雲屯
長策一言決高蹤百代存
威稜懾沙漠忠義感乾坤
老將黯無色儒生安敢論

唐詩卷之四十一
鮮圖憑廟筭止殺報君恩
唯有閼河眇蒼茫空樹墩

凱樂歌辭五首

受律辭元首相將討叛臣
咸歌破陣樂共賞太平人

二

聖德期昌運雍熙萬宇清
乾坤資化育海嶽共休明

三

關土欣耕稼銷戈遂偃兵
殊方歌帝澤執贄賀昇平

四

四海皇風被千年德永清
戎衣更不着今日告功成

五

生聖開昌曆臣忠奉大猶
君看偃革後便是太平秋

岑參獻封大夫破播仙凱歌六首

漢家承恩西破戎捷書先奏
未央宮天子預開麒麟閣
待祗今誰數貳師功

官軍西出過樓蘭營幕傍臨月
窟寒蒲梅曉霜凝馬
尾葱山夜雪撲旌竿

鳴笳疊鼓擁回軍破國平蕃
昔未聞丈夫鵠印搖邊
月大將龍旗掣海雲

日落轅門鼓角鳴千群面縛出蕃城
洗兵魚海雲迎
陣抹馬龍堆月照營

唐詩卷之四十一
蕃軍遙見漢家營
蒲谷連山遍
哭聲萬箭千刀一夜
殺平明流血浸空城

春雨旌旗濕未乾
胡煙白草日光寒
昨夜將軍連曉
戰蕃軍只見馬空鞍

玄宗平胡一首并序

戎羯不虔竊我荒服
命偏師以俘剪
彼應期而咸殄
一麾克定告捷相仍
爰作是詩聊以言志
雜虜忽猖狂無何敢亂常
羽書朝斷日烽火夜相望
將出凶門勇兵因死地
強蒙輪皆突騎接險盡鷹揚
鼓角雄山野龍蛇入戰場
流膏潤沙漠濺血染鋒鏑

霧掃清玄塞雲開靜朔方
武功今已立文德愧前王
韓休奉和御製平胡一首

南牧正紛紛長河起寒氛
玉符徵選士金鉞拜將軍
疊鼓搖邊吹連旌暗翔雲
祆星乘夜落害氣人朝分
始見幽烽警俄看烈火焚
功成奏凱樂戰罷策歸勲
盛得陳清廟神謨屬大君
叨榮逢偃羽率舞詠時文
裴漼奉和御製平胡一首

玄漠聖恩通由來書軌同
忽聞窺月滿相聚寇雲中
廟畧沾黃氣神兵出絳宮
將軍行逐虜使者亦和戎
一舉輶輞滅再麾沙朔空
直將威禁暴非用武爲雄

唐詩卷之四十一 五言 六 李太白集卷之四十一 五言 六 飲至明軍禮疇勳錫武功干戈還再戢文德在唐風

李白胡無人行一首

嚴風吹霜梅草凋筋斡精堅胡馬驕漢家戰士三十
萬將軍燕領霍嫖姚流星白羽腰間插劍花秋蓮光
出匣天兵照雪下玉關虜箭如沙射金甲雲龍風虎
盡交回太白入月敵可摧旄頭滅履胡之腸涉胡血
懸胡青天上埋胡紫塞旁胡無人漢道昌陛下之壽
三千霜但見大風雲飛揚安用孟士守四方

徐彥伯胡無人行一首

十月繁霜下征人遠鑿空雲搖錦車節海照角端弓

暗雪埋沙樹衝飈卷塞蓬方隨膜拜入歌舞玉門中

高適同呂判官從哥舒大夫破洪濟城迴登

積石軍多福七級浮圖一首

塞口連濁河轆門對山寺寧知鞍馬上獨有登臨事
七級凌太清千崖列蒼翠飄飄方宇目想像見深意
高興殊未平涼風颯然至拔城陣雲合轉旆胡星墜
大將何英靈官軍勅天地君懷生羽翼本欲厚麒麟
欵段苦不前青冥信難致一歌陽春後三嘆終自愧
岑參北庭西郊侯封大夫受降回軍獻上一

首

唐詩卷之四十一
胡地首著美輪臺征馬肥大夫討匈奴前月西出師
甲兵未得戰降虜來如歸橐駝何連七穹帳亦纍七
陰山烽火滅劔水羽書稀却笑霍嫖姚區七徒尔爲
西郊候中軍平沙懸落暉驛馬從西來雙節夾路馳
喜鵲捧金印蛟龍盤畫旗如公未四十富貴能及時
直上排青雲何看疾若飛前年斬樓蘭去歲平月支
天子日殊寵朝廷方且推何幸一書生忽蒙國士知
側身佐戎幕欽衽事邊陲自逐定遠侯亦着短後衣
近來能走馬不弱并州兒

岑參北庭貽宗學士道別一首

萬事不可料歎君在軍中讀書破萬卷何事來從戎
曾逐李輕車西征出太蒙荷戈月窟外擐甲崑崙東
兩度皆破胡朝廷輕戰功十年祇一命萬里如飈蓬
容髮老胡塵衣裘脆邊風忽來輪臺下相見披心膺
飲酒對春草彈碁聞夜鍾今且還龜茲臂上懸角弓
平沙向旅館匹馬隨飛鴻孤城倚大碛海氣迎邊空
四月猶自寒天山雪濛濛君有賢主將何謂泣塗窮
時來整六翻一舉凌蒼穹

李嶠軍師凱旋自邕州順流舟中一首

鳴鞞入障口汎舸歷川湄尚向江陵陣猶疑下瀨師

唐詩卷之四十一
岸回帆影疾風逆鼓聲遲萍葉沾蘭棹林花拂桂旗
弓鳴蒼隼落劍動白猿悲芳樹吟羗管幽篁入楚詞
全軍多勝策無戰在明時寄謝山東妙長纓徒目欺
儲光羲觀范陽迺俘一首

北河旄星殞鬼方彌林胡群師舞弓矢電發歸燕墟
皇皇軒轅君贊贊臯陶謨方思壯軍實遠近迺生俘
車馬踐大逵合沓成深渠牧人過橐駝校正引駒駝
烈風朝送寒零雪靄天隅草木同一色誰能辨榮枯
四履封元戎百金酬勇夫大邦武功爵固與炎皇殊
烽

陳子昂題贈祀山烽樹上喬十二待御一首
漢庭榮巧宮雲閣薄邊功可憐驄馬使白首爲誰雄
杜甫夕烽一首

夕烽來不近每日報平安塞上傳光小雲邊落點殘
照泰通警急過隴自艱難聞道蓬萊殿千門立馬看
旌

李嶠咏旌一首

告善康莊側求賢市肆中擁麾分彩雉持節曳丹虹
影麗天山雪光搖朔塞風方知夷周政抗旆賦車攻
旗

李嶠咏旗一首

桂影承宵月虹輝接曙雲縱橫齊八陣舒卷引三軍
日薄蛟龍影風翻鷹隼文誰知懷勇志播地幾繽紛

杜甫揚旗一首

江雨颯長夏府中有餘清我公會賓客肅肅有異聲
初筵閱軍裝羅列照廣庭空六馬入駮駮揚旗旌
迴迴偃飛蓋熠熠迸流星來纏風颯急去擘山嶽傾
材歸俯身蓋妙取畧地平虹蜺就掌握舒卷隨人輕
三州陷大戎但見西嶺青公來練猛士欲奪天邊城
此堂不易升庸蜀日已寧吾徒且加殮休適蠻與荆

戈

李嶠咏戈一首

富父春喉日殷辛漂杵年曉霜含白刃落影駐雕鋌
夕擯金門側朝提玉塞前願隨龍影度橫過陣雲邊

劍

崔融咏劍一首

寶劍出崑吾龜龍夾彩珠五精初獻術千戶兢論都
匣氣冲牛斗山形轉轆轤欲知天下貴持此問風胡

李嶠咏劍一首

我有崑吾劍求趨夫子庭白虹時切玉紫氣夜干星

唐詩卷之四十一 正部
鏐上芙蓉動匣中霜雪明倚天持報國畫地取雄名

李嶠寶劍篇一首

吳山開越溪涸三金冶成寶鏐淬綠水鑿紅雲五彩焰起光氛氲背上名爲萬年字胷中點作七星文龜甲參差白蛇色轉軻宛轉黃金飾文犀中斷寧方利駿馬群駢未擬直風霜凜凜匣上青精氣遙遙斗間明避災朝穿晉帝屋逃亂夜入楚王城一朝運偶逢大仙虎吼龍鳴騰上天東谷顯昇紫微座西王佩下赤城田承平久息干戈事僥倖得充文武備除災辟患宜君王益壽延齡後天地

郭元振寶劍篇一首

君不見崑吾鉄冶飛炎煙紅光紫氣俱赫然良工鍛鍊凡幾年鑄得寶劍名龍泉龍泉顏色如霜雪良工嗟咨歎竒絕琉璃玉匣吐蓮花錯鏤金環生明月正逢天下無風塵幸得周防君子身精光黯黯青蛇色文章片片綠龜鱗非直結交遊俠子亦曾親近英雄人何言中路遭棄捐零落飄淪古獄邊雖復沉埋無所用猶能夜夜氣衝天

杜甫蕃劍一首

致此自辟遠又非珠玉裝如何有竒怪每夜吐光芒

唐詩卷之四十一 正音 十一 崧齋
虎氣必騰上龍身寧又藏風塵苦未息持汝奉明王
刀

李嶠咏刀一首

列辟鳴鸞至惟良佩犢旋帶環疑寫月引鑑似含泉
入夢華梁上含鋒彩筆前莫驚開百鍊持擬定三邊
李頎崔五六圖屏風各賦一物得烏孫佩刀

一首

烏孫腰間佩兩刀刃可吹毛錦為帶握中枕宿穹廬
室馬上割飛翳蟪塞執之魍魎誰能前氣凜清風沙
漠邊磨川陰山一片石洗將胡地獨流泉主人屏風

寫奇狀鉄靴金環儼相向回頭瞪目時一看使予心
在江湖上

杜甫荆南馬兵使太常卿趙公大食刀歌一首

太常樓舡聲嗷嘈問兵刮寇超下牢牧出今奔飛白
艘猛蛟突獸紛騰逃白帝寨城駐錦袍玄冬示我胡
國刀壯士短衣頭虎毛憑軒拔鞘天為高翻風轉日
木怒號冰翼雲淡傷哀狝鑄錯碧矍鸛鶉膏鏃鏑已
瑩虛秋濤鬼物撇捩亂坑壕蒼水使者捫赤條龍伯
國人罷釣鰲芮公迴首顏色勞分閭救世用賢豪趙

公王立高歌起攬環結佩相終始萬歲持之護天子
得君亂絲與君理蜀江如線針如水荆岑彈丸心未
已賊臣惡子休干犯魑魅魍魎徒爲耳妖腰亂領敢
欣喜用之不高亦不齊不似長劍須天倚嗟吁光祿
英雄拜大食寶刀聊可比丹青宛轉麒麟裡光芒六
合無泥滓

弓

太宗咏弓一首

上弦明月半激箭流星遠落鴈帶書驚啼猿映枝轉
楊師道奉和咏弓一首

霜重麟膠勁風高月影圓烏飛隨帝輦鴈落逐鳴弦
李嶠咏弓一首

桃文稱辟惡桑質表初生宛轉雕韃際依稀半月明
遙響落鴈影虎引怯猿聲徒叨烏號思攀龍逐不成
箭

李嶠咏箭一首

漢甸初收羽燕城忽解圍影隨流水急光帶流星飛
夏列三成範堯沉九日輝斷蛟雲夢澤希爲識忘歸
弩

李嶠咏弩一首

唐詩卷之
挺質本軒黃申威鎮遠方机張驚雉雒玉彩耀星芒
高鳥行應盡清猥坐見傷蘇秦六百步持此說韓王
彈

李嶠咏彈一首

俠客持蘇合佳遊滿帝鄉避丸深可謂求灸遂難忘
金迸疑星落珠成似月光誰知少孺子將此諫吳王
馬鞭

高適詠馬鞭一首

龍竹養根凡幾年工人截之爲長鞭一節一目皆天
然珠重七星連七繞指柔純金堅繩不直規不圓把

向空中捎一聲良馬有心日馳千

唐詩類苑 四十一卷終

向空中能一翬身馬首以日蠲十

一節一廿皆天
不在此不圓犯

